



TEKSMARK 2018

'n Kunste Onbeperk-projek

Ondersteun deur die Nasionale Afrikaanse Teaterinisiatief (NATi) en die Baxter-teatersentrum

1. Teksmark-oorsig

Die derde Teksmark van Kunste Onbeperk vind plaas op 3 en 4 September 2018 by die Baxter-teaterkompleks in Kaapstad. Die projek is 'n inisiatief van Kunste Onbeperk, die maatskappy wat onder meer die Klein Karoo Nasionale Kunstefees en Klein Karoo Klassieke aanbied, en word moontlik gemaak deur die ondersteuning van NATi en die Baxter-teatersentrum.

Kunste Onbeperk se Teksmark is ook onlangs vereer met 'n spesiale Fleur du Cap-prys vir innovasie in teater.

Noemenswaardige suksesse sedert die eerste Teksmark:

- Ses tekste is tot volwaardige produksies ontwikkel.
- Vier tekste is in ontwikkeling en sal in 2018/19 debuteer.
- Twee skrywers het pryse ontvang vir hul nuutgeskrewe tekste: Marina Albertyn vir *Melk & Vleis* (Aardklop-prys vir beste nuweling en 'n kykNET-Fiësta vir beste nuutgeskrewe teks) en Bauke Snyman vir *Swerfgoed* (KKNK Kanna-prys vir beste nuutgeskrewe teks).
- Twee skrywers het benoemings vir hul tekste gekry: Ameer Lekaas vir *Die dans van die watermeid* (Fleur du Cap-prys vir beste inheemse teks) en Du Toit Albertze vir *Die meermin-kompleks* (KKNK-prys vir beste nuutgeskrewe teks).

2. Wat is die Teksmark en wie mag deelneem?

Die doel is om nuwe Suid-Afrikaanse verhoogtekste te ontwikkel en aan skrywers 'n geleentheid te bied om hul idees en tekste vir moontlike verdere ontwikkeling aan belanghebbendes in die teaterbedryf bekend te stel. Alle skrywers (hetsy gevestig of opkomend) kan deelneem.

Voorstelle word oorweeg om oor twee dae as leesteaar by die Teksmark in Kaapstad aangebied te word. Verteenwoordigers van teaters en feeste, vervaardigers en ander moontlike beleggers word na die Teksmark op 3 en 4 September 2018 genooi.

Tydens die Teksmark kry skrywers die geleentheid om oor hul teks-idees te gesels. Die mark is oop vir enige van die belanghebbendes om met skrywers te onderhandel oor moontlike belegging in en verdere ontwikkeling van hul tekste.

Omdat daar beperkte tydgleuwe beskikbaar is, kies 'n paneel 'n aantal tekste. Regisseurs en akteurs word in oorleg met die skrywer aangestel om die uittreksels op te voer.

Kunste Onbeperk NPC

Geregistreer as 'n nie-winsgewende maatskappy: 1995/008741/08 • Geregistreer as 'n nie-winsgewende organisasie: 043-289-NPO

BTW #: 4440155481 • Adres: Die Neelsie, Jan van Riebeeckstraat 217, Oudtshoorn, 6625

Posadres: Posbus 1341, Oudtshoorn, 6620 • Tel: +27 (0) 44 203 8600 • Faks: +27 (0) 44 272 7773 • E-pos: info@kunste.org.za

Direksie: Crispin Sonn (Voorsitter), Ismail Mahomed, Denver Moses, Wicus Pretorius, Colan Sylvester, Hugo Theart (Waarnemende Uitvoerende Hoof) en Johannes van Niekerk

Beskermhêre: Patrice Motsepe, Franklin Sonn, Ton Vosloo en Christo Wiese

3. Voorwaardes

- Tekste in alle Suid-Afrikaanse tale word oorweeg, maar die skrywer moet inwillig dat die teks ook na Afrikaans vertaal mag word.
- Slegs tekste wat nog nooit voorheen professioneel opgevoer is nie, word oorweeg.
- Alle voorstelle moet volledig ingedien word, vergesel deur verpligte dokumente soos hierin uiteengesit.
- Geen laat voorstelle word oorweeg nie en geen uitstel word toegestaan nie.
- Geen handgeskrewe voorstelle word oorweeg nie.
- Dokumente moet in 'n Word-formaat gestuur word.

4. Hoe om 'n voorstel in te dien

Voorstelle moet teen Maandag 2 Julie 2018 om 17:00 by hugo@kunste.org.za ingedien word en moet die volgende insluit:

- Die titel van die teks;
- Die skrywer se naam en kontakbesonderhede;
- 'n Uiteensetting van die inhoud en karakters en 'n tematiese konteks; en
- 'n Opvoerbare uittreksel van minstens tien minute, hoewel volledige tekste verkieslik is.

5. Ontvangserkenning

Ontvangs van voorstelle word skriftelik erken. Indien erkenning nie binne 'n week van inhandiging ontvang word nie, moet die skrywer vir Hugo Theart by 083 324 2445 of hugo@kunste.org.za kontak om te verseker dat die voorstel wel ontvang is.

6. Keuring

Slegs volledige voorstelle wat teen die sperdatum van 2 Julie 2018 ontvang is, word deur 'n paneel oorweeg vir insluiting by die Teksmark. Skrywers sal teen begin Augustus in kennis gestel word of hul voorstelle deel is van die Teksmark, al dan nie.

7. Navrae

Kontak Hugo Theart by 083 324 2445 of hugo@kunste.org.za met enige navrae.